

## 1.4. UMUTWE WA IV: Impanuka (Accidents)

### Ingingo ya 4:

*Bitabangamiye ibiteganywa n' amategeko ahana, umugenzi wese uguweho n' impanuka agomba :*

- a) **Guhita** ahagarara igihe bimushobokeye, kandi atagobye kubangamira bundi bushya uburyo bwo kugenda mu muhanda cyangwa kwiteza ibyago ubwe.
- b) **Gukora** uko ashoboye kose kugirango uburyo bwo kugenda mu muhanda bwaho impanuka yabereye bwoye guhungabana; <sup>1</sup> Ashyira ibimenyetso ahabyara inkomyi nko gukoresha ikimenyetso A29, <sup>2</sup> Kwakiriza rimwe amatara ndangacyerekezo y' ikinyabiziga, cyangwa <sup>3</sup> Kuhatereka itara rimyatsa ry'umuhondo cyangwa risa n' icunga.
- c) Iyo umuntu yapfiriye muri iyo mpanuka cyangwa yakomerekeyemo bikabije kandi bikaba bidahungabanya uburyo bwo kugenda mu muhanda *Ugomba kwirinda* : <sup>1</sup> **Guhindura** uko ibintu bimeze, <sup>2</sup> **Gusibaganya** ibimenyetso bishobora kugaragaza abari mu makosa, no <sup>3</sup> **Kubimenyesha** cyangwa gutumaho abubahiriza amahoro bari hafi aho.
- d) Iyo abandi bantu bahuye n' iyo mpanuka babimusabye, kubabwira umwirondoro we
- e) Iyo umuntu yapfiriye muri iyo mpanuka cyangwa yakomerekeyemo bikabije ariko akabona nta byago bishobora kumutera, kuguma aho impanuka yabereye cyangwa kuhagaruka kugeza igihe abubahiriza amahoro bahagereye, keretse iyo bamwemerereye kuhava cyangwa iyo agomba gutabara abakomeretse cyangwa kujya kwivuza we bwite.
- f) Iyo impanuka yangije ibintu gusa cyangwa hakaba hari abakomeretse byoroheje, kugana aho impanuka yabereye, kugirango, abyumvikanyeho n' uwo bagonganye, bagaragaze uko byagenze cyangwa niba batabyumvikanyeho bafashe umukozi ubushinzwe kubyirebera.

Ariko rero iyo umukozi ubifitiye ububasha adashobora cyangwa atashoboye kugera aho byabereye mu gihe kiringaniye, abahuye n' impanuka bashobora buri wese kubimureba, igihe bishoboka, kubimenyesha umutegetsi ushinze kubahiriza amahoro uri hafi cyangwa uri aho batuye.

✓ *Nkuko iyi ngingo ibiteganywa: (n ibyiza gutandukanya aya magambo)*

- **Umuntu wakomeretse cyane:** Bivuga umuntu wagize <sup>1</sup> Ibikomere bishobora kumuviramo urupfu <sup>2</sup> **kumushegesha** wese, <sup>3</sup> **kumutesha** igice cy' umubiri cyangwa <sup>4</sup> **wacitse** urugingo.
- **Igikomere cyoroheje; bivuga:** Igikomere cyose umuntu asanga <sup>1</sup> kitahungabanya ubuzima <sup>2</sup> **kitamushegesha** wese, cyangwa <sup>2</sup> **kitatuma** atakaza igice cy' umubiri cyangwa urugingo.

## 1. 5. UMUTWE WA V: Ibitegekwa – Ibyakwa – Ibimenyetso

(Injonction, Requisition, signalisation)

- Umugenzi wese uri munzira nyabagendwa agomba guhita yumvira ibitegetswe n' abakozi babifitiye ububasha. **« ibitegekwa n' ibi bikurikira »:**
  1. **Ukuboko kuzamuye :** Gutegeka abagenzi bese guhagarara keretse abageze mu isangano bagomba guhita bahava .
  2. **Ukuboko cyangwa amaboko atambitse:** Ategeka guhagarara abaturuka mu byerekezo bisanganya icyerekezo cyerekanwa n' ukuboko cyangwa amaboko arambuye.
  3. **Kuzunguza intambike itara ritukura :** Bitegeka guhagarara abo iryo tara riganishaho
  4. **umuyobozi w' ikinyabiziga gihagaze umwanya muto cyangwa munini ategetswe kugikuraho igihe abisabwe n' umukozi ubifitiye ububasha.**
  5. **Umugenzi wese agomba kubahiriza ibimenyetso byashiriweho gutunganya uburyo bwo kugenda mu muhanda igihe cyose ibyo bimenyetso biteye uko byagenwe kandi bigaragara bihagije.**
  6. **ibitegekwa n' abakozi babifitiye ububasha birusha agaciro ibindi bimenyetso**
- ✓ **Ibitegekwa n' abakozi babifitiye ububasha birusha agaciro ibindi bimenyetso.**